

8145 / 712.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 15 1939

12

餞唐州高使君赴任

哈佛大學漢和
圖書館珍藏印

岑義州人

蒼茫南塞地明媚上春時
目極傷千里懷君不自持
征車別岐路斜日下崦嵫
一歎輶軒阻悠悠卽所思

奉和九日登慈恩寺浮圖

前人

寶臺聳天外玉輦步雲端
日麗重陽景風搖季月寒
梵堂遙集鴈帝樂近翔鸞
願獻延齡酒長承湛露歡

過樂鄉

唐陳子昂

故鄉杳無際日暮且孤征
川原迷舊國道路入邊城
野戍荒煙斷深山古木平
如何此時恨噉噉夜猿鳴

晚入沐河

唐崔灝

昨晚南行楚今朝北泝河客愁能幾日鄉路漸無多晴景
搖津樹春風起棹歌長淮亦已盡寧復畏湘波

林卧

唐岑參州人

偶得魚鳥趣復茲水木涼遠峯帶雨色落日搖川光白中
西山藥袖裏淮南方唯愛隱几時獨遊無何鄉

酬崔十三侍御登玉壘山思故園見寄

前人

玉壘天晴望諸峯盡覺低故園江樹北斜日嶺雲西曠野
看人小長空共鳥齊山高徒仰止不得日攀躋

詠郡齋壁畫片雲

前人

雲片何人畫塵侵粉色微未曾行雨去不見逐風歸只恠
偏疑壁間看欲惹衣丹青忽借便移句帝鄉飛

和張二自穰縣還途中遇雪

唐孟浩然

風吹沙海雪漸作柳園春宛轉隨香騎輕盈伴玉人歌疑
郢中客態比洛川神今日南歸楚雙飛似入秦

聞笛

唐張巡州人

岩堯試一臨虜騎俯城陰不辨風塵色安知天地心門開
邊月近戰苦陣雲深旦夕更樓上遙聞橫笛音

木芙蓉

唐韓愈州人

新開寒露叢遠比水間紅艷色寧相妬嘉名偶自同採江

秋節晚寒木古祠空須勸勤來看無令便逐風

咏龜

唐趙宗儒州人

有靈堪託夢無心解自謀不能著下伏強從蓮上遊負圖
非所冀支牀空見白儻蒙一曳尾當為屢迴頭

涅陽館

唐賈島

客愁何並起暮送故人迴廢館秋螢出空城寒雨來夕陽
飄白露樹影掃青苔獨坐離容慘孤燈照不開

與季申信道自光化復入鄧書事

宋陳與義

再來生白髮重見鄧州春依舊城西路桃花不記人卜居
得窮巷月色滿窓新微吟驚士卒獨鶴語城闌

月觀追和鄧州相公席上韻

金元好問

月觀知名舊池亭發興偏露涼驚夜鶴風細咽秋蟬綠泛
兵厨酒紅倚幕府蓮無緣逐清景空羨飲中仙

過湍河

前人

石門歸馭引湍浦漁舫並曠蕩萬景新歸藏四山靜平湖
風漪綠遠岸秋沙淨洋洋遊魚逝汎汎輕鷗泳

送宿衛將出守鄧州

明高啓

中郎身領仗宿衛在承明舊射雙鵬落新乘五馬行紅雲
遙魏闕白水近穰城好勸諸年少春來賣劍耕

百花洲

明何海晏

水曲分杯土洲前繞百花短橋通徑竹深樹隱漁家地古
風煙寂時豐草木華何當乘夜月艤艇醉流霞
宛西多樂地好是百花洲市近通新酒蘆深狎野鷗溪流
侵淺碧隰草藉豐柔日暮重回首能無范老憂

郡齋瑞雪

明 潘庭楠 知州

久苦旱雲賦今忻瑞雪篇五花傳帝澤層玉及私田細灑
看無極勻霑卜有年辨香呼赤子萬祝向堯天

棘陽城

明 李 荃

病體秋能減幽思野倍清獨尋古穰道來上棘陽城樓迥
高風度沙寒宿霧平却思古申伯千載尙隆名

百花洲

前人

寥落百花洲名緣范老畱登臨餘蔓草樽俎到荒邱平野
蒼雲壓高林紅葉稠晚風吹轡急歸興與颯新秋

送家鑑弟南歸

明 李永茂 州人

誰共千秋事天涯弟與兄報君磨古劍勵志請長纓馬首
歸程遠雁行別緒縈故園刁斗急珍重少年行

東郊看桃花

陳 丹 知州

並轡東臯去行行口竟斜鴉藏污柳色馬汗染桃花村酒
因人醉山蔬只苴賒忽然成獨返翻覺嬾還家
獨酌桃花下頽然竟日留花香心欲醉吏俗願難酬不負

歸途便何殊特地遊希文多惠政今始頌芳洲

狄陂寺

彭而述

我聞王太守弱冠治穰州召杜人空往河渠書尚留頽垣
馳黠鼠老衲餽黃牛寂歷前朝事佛圖片石頭

城頭春霽

前人

雪霽纔今日烟光只去年饑鳥留禿樹乾雀窳葑田百里
山川迥一城簫鼓闐可知此夜月應較往時圓

孤塔回晴幕一尊入晚霞關山憐斷雁原陘散歸鴉勝事
催花鼓幽心起暮笳行年空老大蹉跌問春華

冠軍城

前人

舊封傳戚里知是漢家侯五劇蓬蒿滿一村薜荔秋江山
存石馬風雨入鴟鷂莫問臨湍縣黃沙古渡頭

張村詩

前人

疋馬逢秋霽殘磚入廢廡土垣餘茂草山堡見桑田魍魅
馮人嘯麒麟傍塚眠商飈吹不極落葉滿晴川

鐵鍋

前人

是日來西郭春風盪馬頭高臺惟見寺老樹但呼鳩土餽
前朝鼎城傳故國侯湍流還無恙浴鷺滿平洲

和刺史陳公東郊桃花韻

萬會極州人

綠野震屯樹郊行眼可留况高詩足寫境勝酒能酬愧我

孤幽賞羨君獨快遊涅陽春色滿處處百花洲

寄懷鄧州彭三中郎彭五直上兼憶彭二仲亮寧遠

禹峯方伯子

王士禎

舊識中郎美新高第五名中原傳二妙故國繼三甥皂帽
遠東客青山宛葉情羨君名父子家本冠軍城

花洲霖雨 八景詩

萬 悫 知州

山川尋舊蹟車騎引城闌蔓草披風岸春華憶水濱股肱
作汝后娛樂與同民歆伏殘碑在高山望古人

鐵祠春煙

瓦礫餘頽祠脚踟躕廢墩思生春草碧悽與暮雲屯報國

空山亦全身失主恩千秋羸伏臘可以慰忠魂

金山浮翠

宋狀元賈龜年讀書於此

趙麓為城足登臨不厭頻楓林霜早落山色雨餘新石壁
留空洞韋編斷古人天人拙有獻甲乙愧難倫

禹廟晴嵐

欲謁峯巔祠垂簾高可攀平成天地業肅穆古王顏溪谷
風雲徹人家蒼翠間遺民慚易化接盼更湯山

湍水漁舟

源水出熊耳東來遶鄧城晴隨烟雨斂漁趣野航橫衍沃
誰新戶隰臯問舊氓四封饒景物秋歛省春耕

六門返照

逶迤連郊坳殘堤壁湍渠樹高牽落日沙淺睡王睢歲月
成衝决坡塘罷耨鋤敢沒召杜澤興廢幾躊躇

紅崖勝槩

兄說州西境紅崖刁水灣谷幽奇羽翮梁迥漫潺湲夕磬
松風落朝霞僧寺間年豐期尸足童耆往俱還

竹洞禪關

韓文公嘗遊
息於此有詩

門靜簷楹殿風塵偶住騎香烟攤梵偈泉水貢緇衣千里
文章伯流傳竹洞詞每逢名勝地顰效漫題詩

張睢陽故里

黃之琮

周南容跋涉故蹟每興懷天寶揖兵亂中丞率義儕三旬
炊鼠雀數旅障江淮夕颺吹桑梓蕭蕭湍水涯

先公廟祀禮成

李鴻州人

夜色瞻庭燎悽然感履霜新恩出異代公道在同鄉姓字
春秋重蘋蘩歲月長儀型慙繼述灑涕見羹牆

開元寺喜晤兩謂上人

前人

百粵飄蓬客三湘故國悲豈言經喪亂尙爾識鬚眉感慨
餘今日風塵念昔時獨憐先相國會此下書帷

送青立北上

彭氏李鴻妻

六上長安道知君此別難山川日以遠雨雪天將寒紅淚

頻沾袖清光獨倚闌莫牽兒女戀早晚慎加餐

秋夜

黃而輝

葉落秋風夜燈孤萬里情遠鐘搖客枕歸夢識鄉城斜月
依依影寒蛩切切聲愁腸已斷盡心事未能平

春晚

前人

寂寂春將晚他鄉客思生如何花裏聽不見杜鵑聲遣興
杯中物還家夢裡程東風吹霧暗日色半陰晴

雨漲

前人

卮酒無相對雨聲多助秋三更長到枕一月罷登樓濕蘚
黏書帙危欄下釣鈎怪來門逕裏蕩漾有沙鷗

看劍

黃而炳

匣裏青萍劍沉埋四十秋蚤從歐冶製未繫單于頭灼灼
寒光燦頻頻寶氣浮不才明主棄將欲化龍遊

棘陽秋興

李盛熠 州人

九日登高望川原爽氣浮白蘋千里浪紅葉一天秋地僻
容疎嬾名微免應酬間裁籬菊賦寄與鄭瓜州

過李文達公祖墓

李 州人

鈴閣何年閉隴崗尚有阡豐碑燕國撰遺笏魏家傳相業
垂千古恩綸錫九天長林抔土在不必問平泉

題吏目署竹軒

姚之琅

新齋結構罷移竹漸森森窻欲添朝色樽宜度晚陰此君無俗韻雛鳳有清音

君兼於此課子

衙散閒敲句義皇自可尋

書李文定公傳

文定公事舊志諱不言傳者漸訛失真余讀勅修明史如楊廷麟何騰

蛟瞿式相皆有特傳蔣公今日表章正合其義因成一律

前人

鄧州賢刺史立意發幽光聞見辭多異搜羅我應詳 聖

朝褒節義信史表微茫細讀何瞿傳如公正雁行

癸酉夏杪迄秋禱雨拈求字口號二首

蔣光祖

揮汗火雲下炎蒸未覺秋憫茲六月雨

六月未得透雨

添此一心

愁湍水流將縮湯山澤未優西成急待命何以慰予求

禱祀情何切精誠愧未周多方祈帝澤畢力為民謀優渥

斯維夏霑濡冀及秋齋心勤旦晚共矢此勤求

七月下旬得雨次前韵二首

蔣光祖

忽得甘霖沛猶欣傍孟秋正如逢舊雨遂獲解新愁履畝

觀方渥採風泳既優昊天有豐澤幾見斬祈求

脉脉如麻下淋漓四野周劇憑雲雨望崑崙為稻梁謀誰謂

傷無稼仍云慶有秋西郊羣禱處

予做虞邑遵古制設五方龍神竭誠求之而應

不負此勤求

隨巡憲張大參查邊境住孟家樓

蔣光祖

巡邊隨大吏副乘即借遊荆豫西南界

孟家樓與光化接壤在州西南境

陰晴信宿留時忽晴忽陰 囂聲野外遠塵跡夢中浮更喜老無
吠豐年樂有秋

雨阻孟家樓仍用前韵

蔣光祖

愁霖刻刻具值此滯借遊野外麤官駐邨中貴客由謂張大參
油檐渾斷續飛瀑急沉浮竚禱日車現三農望九秋

至壘溝午間喜見日色

蔣光祖

脉脉秋霖慣癡雲幕四圍晴霞忽晝見喜色便眉飛翠爽
嵐光發風高水氣微却嫌猶障翳雨雲猶未大豁 矐目望斜暉

早發魏家集赴古村口占

蔣光祖

路井乘朝發魏家集屬路井地方 迤邐赴古村迷離煙樹匝層疊阜

崗吞雨足郊原潤風清民俗敦聯翩歡迎迓劇有古心存

泉池

龐震坤州人

跨馬乘晴日相邀到野村當前過糜鹿在左有泉源綠藻
春先見枯楊枝未繁此中饒勝槩坐對欲黃昏

七言律

幸安樂公主山莊

唐岑羲州人

銀榜重樓出霧開金輿步輦向天來泉聲迥入吹簫曲山
勢遙臨獻壽杯帝女含笑流飛電乾文動色象昭回誠願
北極拱堯日微臣抃舞詠康哉

立春日內出綵花樹

前人

和風助律應韶年清蹕乘高入望仙花笑鶯歌迎帝輦雲
披日霽俯皇川南山近壓仙樓上北斗平臨御展前一奉
恩榮同鑄宴空知率舞聽薰絃

送李司馬

唐岑參州人

柳鞦鶯嬌花復殷紅亭綠酒送君還到來函谷愁中月歸
去磻溪夢裏山簾前春色應須惜世上浮名好是閒西望
鄉關腸欲斷對君衫袖淚痕斑

送李錄事兄歸襄鄧

唐劉長卿

十年多難與君同幾處移家逐轉蓬白首相逢征戰後青
春已過亂離中行人杳杳看西月歸馬蕭蕭向北風漢水

楚雲千萬里天涯此別恨無窮

左遷至藍關示姪孫湘

唐韓愈州人

一封朝奏九重天夕貶潮陽路八千欲爲聖明除弊事肯
將衰朽惜殘年雲橫秦嶺家何在雪擁藍關馬不前知汝
遠來應有意好收吾骨瘴江邊

次鄧州界

前人

潮陽南去倍長沙戀闕那堪又憶家心訝愁來惟貯火眼
知別後自添花商岩暮雪逢人少鄧鄙春泥見驛懸早晚
王師收海嶽普將雷雨發明芽

奉和庫部盧四兄曹長元日朝回 前人

天仗宵嚴建羽旄春雲送色曉雞號金爐香動螭頭暗玉
佩聲來雉尾高戎服上趨承北極儒冠列侍映東曹太平
時節身難遇郎署何須笑二毛

寄韓愈

唐賈島

此心曾與木蘭舟直到天南湖水頭隔嶺篇章來華岳出
關書信過瀧流峯懸驛路殘雲斷海浸城根老樹秋一夕
瘴烟風卷盡月明初上郡西樓

依韻酬太傅張相公見贈

宋范仲淹知鄧州

出處曾無致主功南陽爲守地猶雄醉醒往日慙漁父得
失今朝賀塞翁七里河邊歸帶月百花洲上嘯生風卧龍

鄉曲多賢達願預逍遙九老中

依韻荅王源叔憶百花洲見

前人

芳洲名冠古南都最惜塵埃一點無樓閣春深來海鷺池
塘人靜下仙鳧花情柳意憑誰問月彩波光豈易圖漢上
山公發新詠許昌何必詫申湖申或作西

送王察推纘之鄧州

宋梅堯臣

昔向南陽憶洛陽秋橙初熟半林黃車過白水沙痕澗雁
落鉗盧稻穞長廢壘漢碑金刻字古原秦冢石爲羊太平
羽檄何曾有賓主相歡菊薦觴

鄧州

金元好問

鄧州城下湍水流鄧州城隅多古邱隆中布衣不復見浮
雲西北空悠悠長鯨駕空海波立老鶴叫月蒼烟愁自古
江山感遊子今人誰解賦登樓

過湍河

前人

悠悠人事眼中新悄悄孤懷百慮紛伎倆本宜閒處著姓
名誰遣世間聞秋江澹沲如素練沙浦空明行暮雲早晚
扁舟載烟雨移家來就野鷗羣

附明鐵公二女詩

按鐵公盡節後相傳有二女發教
坊各賦一詩守志累年朝士爲奏
聞得遣士族事不見於正史詩亦有辨其贗者然
忠烈禍慘於往代而貞女復惜其無傳附錄二詩
亦足動千古
之慨嘆云爾

教坊脂粉洗鉛華一片閒心對落花舊曲聽來猶有恨故
園歸去已無家雲鬟半結臨妝鏡雨淚空流濕絳紗今日
喜逢白司馬樽前重與訴琵琶

骨肉傷殘產業荒一身何忍去歸娼淚垂玉筋辭官舍步
蹴金蓮入教坊覽鏡自憐傾國貌向人羞學倚門妝春來
雨露寬如海嫁得劉郎勝阮郎

賜繡麒麟紅袍

明李賢州人

麒麟盤繡上官袍天寵非常不易遭一寸丹心惟報國平
生精力在揮毫但思古道人情厚敢望前修事業高他日
不慙綸閣地浩然歸老卧林臯

賜五倫諸書

前人

正統年中得賜書賜來書籍意何如五倫事迹新成類一
代規模已用儒蓋世功名當自致逢時忠悃要全輸立身
不在生前樂千載相期有令譽

玉堂賞花 十首

前人

禁苑時和品彙芳獨憐芍藥異尋常倚欄着雨含香態出
砌迎風賽曉粧下體會資和鼎味佳名不羨束腰黃清吟
愧我非元白聊會儒寅泛一觴

仙葩春後吐奇芳驚見敷榮異往常化日隔簾薰瑞氣香
雲繞砌護新粧應同文苑增光彩不向名園鬪紫黃珍重

蓬萊真勝景肯隨俗輩佐壺觴

首夏花開第一芳愛觀曾不厭時常培根日盛非凡種賦
質天然豈靚粧座上詩成看奪錦禁中客貴對懸黃儒林
勝會人間少拚醉蓬萊九醞觴

秀鍾元氣自芬芳朶數如人信異常兩本先分緋白色一
叢深護粉紅粧掀髯成詠追風雅引爵和香勝地黃的是
翰林傳盛事不須曲水置流觴

天教三本縱敷芳運值亨嘉自勝常推數平分如鼎峙扁
名特表異凡粧光生月夜翻堦白香散風朝炫閣黃因想
樂天詩句好令人延賞思華觴

天氣晴和正吐芳三叢各色不同常非緣輔相調元力自
是群仙次第粧紅映醉顏猶類錦白方賜帶絕勝黃一時
人物因俱盛未免花前爲瀉觴

不向春前伍衆芳托根禁苑更殊常日當午砌移清影露
滴晴欄洗淡粧賞處靜看同竿玉座中斜插映屏黃儒林
已識天工意清暇何妨數舉觴

開向瀛洲獨擅芳異香仙態豈凡常九天湛露承新澤四
月薰風換舊粧晴近御溝增柳綠晝依雕檻掩葵黃共酬
時物今當盛不是乘閑重飲觴

移植多年歇爾芳再逢榮盛理之常人憐八數成佳會花

本三叢列異粧託興欲追元稹賦題名寧讓廣陵黃殷勤
更與花神約歲歲長教入詠觴

曾於花譜閱多芳名亞花王分亦常紫禁香飄天上侶玉
階清絕月中粧虛心自惜貞含白貴種誰期兆應黃幸際
太平無以報君前惟祝萬年觴

追思先母

前人

慈母殷勤歲月多一門百口賴調和堂前香暖雙姑饌燈
下聲寒五夜梭釜祿方期延壽考桑田忽訝變滄波徒將
富貴成哀感罔極深恩可奈何

遊大勝寺

前人

晚穿飛翠到靈山
花雨含香洒竹關
林鳥不驚馴虎至
溪雲長共老僧閒
携琴客爲談玄住
擁蓋人從聽法還
鍾磬聲殘修定後
萬龕燈火綠蘿間

桃源清隱

前人

高情樂隱覓仙踪
深入巫山第幾重
洞口有田春種玉
鼎中無火夜蟠龍
石潭涼浸蛾眉月
蘭室香飄麈尾風
遙想扁舟遊覽處
桃花夾岸水溶溶

秋晚

前人

知己交遊仕路稀
短檠燈火閉雙扉
誰憐高節名長在
自許孤忠願不違
聲遠簾櫳蛩唧唧
涼生庭院雨霏霏
光陰

瞬息驚時換千里
鄉園有夢歸

穰侯塚

前人

秦相當年擅寵光
空餘孤塚傍金湯
秋風兔穴通黃壤
落日烏棲滿白楊
石馬有聲寒雨惡
豐碑無字綠苔荒
可憐富貴今如此
莫訝雍琴感慨長

送練士者回鄧州

前人

疋馬南回歲已秋
離亭分手莫淹留
山村月夜鷄鳴早
野樹霜天葉落稠
驛路牙旗迎故壘
孤城畫角擁高樓
到家盛吐籬邊菊
尊酒親朋樂獻酬

贈福勝寺僧秀峯

前人

不事雲遊道自興
玄關參透覺心澄
一簾踈影禪堂月
四牖清光定室燈
花墜秋空明萬法
龍隨夜雨演三乘
餘光又喜能精藝
名與高賢可共稱

遊紫金山

明 鄧 鼎 知州

忽聞春盡強登遊
風淡塵清野趣幽
滿地落花紅雨亂
連郊宿麥翠雲稠
喜多啼鳥當窻喚
恨少飛觴逐水流
願得主翁重有會
醉欹烏帽醉翁頭

九日登紫金山

前人

携壺同上紫金山
極目秦中百二關
綠樹撼風驚落帽
黃花對酒喜開顏
衡陽鴈去家千里
湘浦潮來水一灣
笑把

茱萸拚共醉等閒
莫遣鬢毛斑

看花樓

明 何海晏

紫金山洞倚城隈
洞口幽幽長碧苔
白鶴不來遲日靜
綠塘猶自野蓮開
千年燈火論書碧
一徑荆榛掃月臺
坐對浴鳧成吏隱
人間誰信有蓬萊

白馬寺

明 李 瀚

禪關當午暫停旌
一飯胡麻百慮清
氣浥雲根知雨過
聲來松頂覺風生
短牆剩有虬螭畫
深巷無聞絡緯鳴
咫尺草橋聽碧溜
匆匆未許濯塵纓

鄧州

明 余承業 知州

鄧州遙接漢江斜秦楚風烟共物華檻迥誤疑浮海閣樓
虛直欲泛星槎中原牛馬消烽火邊塞絃歌廢鼓笳日暮
登臨還縱目河陽依舊滿林花

謁文達祠

前人

古穰文運自君開二十騎龍海上來鶴舞竟筵驚異事鹿
鳴初宴識竒才隆中相業應同茂身後群言久息猜桑梓
青青祠廟在先邱南望重徘徊

謁文達祠 二首

明秦金

相業堂堂冠一時明良千載更逢之鹽梅味重商家鼎袍
笏光生漢署儀三接畫頒餘帝寵數封朝奏切民瘼故鄉

祠宇誰蘋藻百拜高風倡我爲

六經門戶喜重開道自河津北面來選部久諳旌別典講
筵宏展緝熙才忠謀解荅英皇眷孝行誰同史相猜千載
是非公論在瓣香新廟重徘徊

春風閣

明范惟一

穰城形勝甲西京飛閣崔巍接太清父老總能談舊事那
君誰不慕遺名雲來縹緲高軒過籟發依稀雜珮聲忽憶
煙塵尙迷望春風檻外古今情

謁文正祠

前人

結客同尋杜若芳先公會此憇甘棠林香不斷流風在波

影縈廻沛澤長野老花間聽舊履曾孫洲上想遺裳誰言
元凱多卿喬獨對新祠媿鳳章

李文達公墓

明 韓鼎

佳城寂寂掩荒邱蓋世才名一旦休金馬改爲石馬日玉
堂空似草堂秋伊周事業垂青史韓柳文章記玉樓雪霽
松楸偏慘色猿啼鶴唳不勝愁

鄧州

明 李宗木

久向穰封駐客輶城池環固翼新譙清涵夜月臨堪濯高
倚清天望不遙一代巨川歸牧伯萬年雄鎮屬中朝朔方
維翰功先試散處甲兵寇亦銷

鄧州王進士園

明 李蓁

一望天門紫氣深却來學圃鄧城陰柳條桃朶皆春意開
閣臨池足賞心豈謂王克甘放逸擬從潘岳盛登臨明年
二月黃鶯早應借高枝囀上林

過靈山

明 李蔭

駢駢頗厭風塵苦冉冉行看雲物垂樵子伐茅驚野雉旅
人然紙拜山祠一年又見清秋至百感中來壯志衰却羨
田翁閑竟日白頭綠樹坐彈碁

將作叅遊過鄧贈夏刺史

明 馬之駿

幾載靈峯夢寐餘遠山秋霽引輕輿寧教臨海驚開道不

爲函關強著書籬菊暗銜霜氣動堤楊全被雨痕踈楚江
獵火連雲夢還欲憑君問子虛

春風閣

明藍偉州人

城迭東南景最幽春風閣瞰百花洲洲邊種竹風千箇閣
上收簾花雨畔春嶺西來聯禹阜湍河南去接襄流凭高
弔古無窮思後樂先愛志欲酬

李文達公墓

前人

丞相佳城丹水前暮雲衰草慘連天當時捧日回天地此
際乘箕壯岳川青史勲名千古在錦衣子姓萬支傳忠良
間氣原同會鐵塚猶疑相伴眠

聞楊少司馬斗望鄧州兵捷

辛巳七月

明李永茂州人

無端狐鼠寇南州韓范行營控上游點點星光明兇鋒條
條霞彩映吳鉤一川皎雪伏金馬十里紅雲炙火牛逆賊
魂銷湍水戰於今冉冉陣雲愁

晚來陰雨黯豁村欲敵新寒絮自溫
光何日洗崑崙關河已老風霜骨羨豆難招禍祖魂一夜
石雲山下裏暮衫滴出舊時痕

天烽火炤榆粉乳道他鄉又進軍腸斷柔乾誰捧日心
雲卷一瞻雲蓼莪未展咽心

石砦舟居憶家 四首

前人

生非鱗介日親水家在平原却蕩舟
北斗炤人憐遠別薰風吹面泣同遊
時歸故國全依夢坐送長天唯有愁
聞說容江通漢沔何年一葉溯中州

客慣冥頑不任哀閒行又上望鄉臺
終歲苦無鴻雁到剛眠却有夜猿來
長恨蒼髯全似草久停舟面亦生苔
滿江親友應相念萬里浮槎人未回

粵水泱泱不種荷野魚凝長貌如梭
百年淨土嫌僧少萬里連山只樹多
地僻新傳出塞曲時艱互唱懊儂歌
夜闌

遊子傷心處擊劍臨風口自吹

無才酸酸心嘗冷有骨崢嶸意自憐
愛對長松消白晝羞看繁蘂醉朝烟
山容媚入雲間樹水氣寒分嶺上泉
有客欲歸歸未得棘陽荒却種瓜田

聞陷鄧州

前人

聞道家鄉又不辰關心第一暮年親
覆巢應已無完卵竭澤難從覓細鱗
說未卽真先自誑果然遇變我何人
夢時白髮愁時淚誰自空桑得此身

草懷人又一天舊閣未開空弔古民風不競耻言船行唵
髡首難簪艾世好情殷不記年

子陵釣磯

彭而述 州人

只合先生理釣綸雖逢天子不稱臣自知帝座容漁父肯
把雲臺污故人投餌自甘同豫且得漁且莫是龍鱗不應
占盡江邊石除却南陽又富春

八

段莊寺

前人

三湘五嶺鼓鼙頻百戰空餘未死身誰念伏波傷薏苡枉
教克國畫麒麟舊遊却憶山陽煨官况惟存漉酒中暇日
長林多布穀作書今欲報同人

登春風閣

前人

十載風塵兩鬢秋一尊况復值春遊雨中鵠鷁呼殘壘亂
後蘼蕪滿負邱司馬頻年空秉節仲宣舊夢憶登樓浮圖
自湧荒城出斜日楊花動客愁

毋節女烈奉旨建坊

前人

九原合慰祖孫魂斷臂焚身終古存華表崢嶸神禹廟絲

鄧州志 卷之二十三
綸詰曲養甥村幽宮水結玻璃乳黃土松深琥珀痕一死
何心來譽嘆鶴鷺風雨帶山根

召伯水陂

前人

蔓草荒蕪彌望舒漢家太守此成渠空留白水千年在無
數秋蟲寒雨初陸海人曾經鼎革石田誰復問犁鋤近年
竹槩淇園盡欲借馬遷還著書

過塾師張翎修墓

前人

新花著雨墮孤村往事傷心不可論俠骨共憐藏馬鬣白
頭誰解負龍門寶融久斷西湖種徐穉空悲江夏魂二月
紫金山下樹鷓鴣啼處易黃昏

經井淵水止水故居

前人

竹筒麥酒任狂呼記得東隣舊酒徒柘葉園中啼布穀藥
欄亭下長蘼蕪風塵舉世誰青眼潦倒當年一賤軀携手
泉臺州里盡宦塗何處不崎嶇

送彭禹峯南征 二首
曹溶
雪壑霜鍾古寺門逢君歲盡倒金樽
關山雁鶩翻飛苦老
大兵戈志節存一去行間憂寇盜
且留佳句壯乾坤中州

才子今餘幾極目黃河萬里昏

鐵衣新向粵江還又策驪駒過楚山
醉弄紫髯增意氣笑
當青眼失間關南開軍府旌旄盛
北望神宮羽獵閒計左
長留燕市月別愁雙苴鬢毛斑

泉池感舊

申道

十載南荒賦別離西風落日告君時
孿兒也解隨親哭衰
老何堪憶舊悲種樹不禁懷地主
思源况復到泉池傷心
我自深相慟爲問先生知未知

清涼寺與釋納川同萬于寧李鑑湖
丁象輝 州人
寺接群峯雲撲門鐘聲不動近黃昏
絲絲楊柳巢鶯乳

袁山烟落雨痕定後逢僧春漫盡花時留偈語猶繁支公未厭長吟興許借佛燈仔細論

中丞賈公聘修河南總志未赴詩以謝之

前人

形蹤久合傍樵漁束帛今煩下敝廬載筆應從南史後編年須記燧人初雲移漢樹啼黃鳥水泛湍流走白魚何意聲名動開府山園還羨舊芙蓉

之任粵東舟中寄懷鄉友 二首

前人

蕩子飄遊事遠行潭雲嶺月傍愁生無因宦路千山濶反羨閒鷗一羽輕競晚漁舟投水市爭青群樹護江城螯肥

荔熟南天外剝棗能忘故里情

還鄉半綬去時遲者舊殷勤惜路岐踽踽從來堪自厭茫茫此後幾人知鱸魚晚下潮州廟芍藥春榮相國祠慙愧先型無可並千秋敢自負心期

謁三賢祠

趙德知州

春城草色遠萋萋何代祠堂傍柳堤帝里歌鐘俱寂寞英賢名謚尙標題蛛封戶牖爐烟迥雨過杉松野鳥啼近想芳規誰可繼先師遺訓在思齊

解組南歸賦別林於居

前人

名邦忝牧素心違事友仁賢悟所依遠害久思遊鹿快役

形恒憶蕪田歸慙無遺政能言愛幸有高風此際稀分借
一枝嘶馬去人生寧必葉紛飛

寄鄧守萬公兆文

彭始搏州人

七年薄宦住京華久隔茱萸天一涯
衡雉岡回龍卧處鉗盧水遠雁飛斜
幾時秋菊潭邊酒共醉春風閣上花
况復循良傳萬石棠陰令我倍思家

較刻復齋集竣二詩紀之

前人

斯人竟老瘴江濤天厄多才自古今
夢斷梅花香覆嶺魂消藤樹醉成陰
已將軼氣淪卑秩祇有牢愁伴苦吟
此集若傳君不死生前安用歎知音

萬里窮荒老謫居時將憔悴寄三閩
宦留桂海虞衡志妻守文園封禪書
生計總拚人共笑清狂自許習難除
空餘故友情偏切獨檢遺編淚染裾

睢陽故里

彭始奮州人

痛哭玄元百戰殘興亡自古見君難
逢人肯自談天寶遺恨何堪憶賀蘭
戎馬郊原臣力竭關山笛裏陣雲寒
淒涼往事應如昨故里蕭蕭不忍看

寄丁原道廣州

前人

我憶新寧丁赤霞六年前記住君
衙千金屢散產何在百口仍留天一
涯久戀南枝同越鳥每先北地見
梅花遙知

登州志 卷之二十三
物候驚心日海畔羈臣髻已華

贈萬鄧州兆文

魏力仁

雙鳧幾載來西粵五馬一朝到豫州職任旬宣今刺史符
分司牧古諸侯山川中岳高高著人物南陽管樂儔政暇
好憑瞻勝槩桃花洞口日悠悠

題桃花洞畫壁

前人

深林煙樹綠重重中有幽人獨坐慵一水斜分浸薜荔兩
山正對削芙蓉迢迢北闕瞻翔鳳咫尺南陽起卧龍題壁
我來搖彩筆雲蒸霞蔚盪心胸

春日過李文達公墓

釋興杲

英宗遺翰俯城烟指點春郊說往年凌漢兩喬猶洗露摩
雲一柱尙擎天苔侵白珉碑文古草染青莎墓道偏幻境
閱殘翁仲眼滄桑幾處又成田

雁字詩呈禹峯彭公

前人

翰灑西風墨欲流幾行飛白掛南樓漫窺午夜參三點小
補黎明月一勾徑度孤峯霜穎健滿填野渚浪花浮每憐

人世無真本鳥篆蟲書苦效尤

百花州遺址

黃 鈺 州人

蘇臺人去百花空留得聲名說范公露滴鳥歌晴後雨月
移樹响直深風水浸細草年年綠山擁殘霞處處紅幾度
春風閣上望誰將憂樂繼芳踪

庚子入夏不雨至於夏杪郡侯虔禱應時而降同人

誌喜步韻和之

前 人

久思甘雨潤萌芽天鑒誠求歛彩霞雲障巖巒迷翠黛風
清几案絕塵沙東籬澤沛菊生蘂南畝膏流稻放花太守
樂民民樂歲好將尊酒話桑麻

和三賢祠

黃 珪 州人

賢祠舊趾忽崢嶸知有靈神呵護成積久那無過客問祇
今猶動郡民情審方面勢規模壯鳥革翬飛氣象闕料得
我侯千載後文章相業與齊名

百花洲

廖 揆 州人

芳草萋萋一小洲古穰城畔對高樓瓊枝猶自啼黃鳥碧
沼依然飛白鷗刺史風流如昨日循良遺愛在千秋等閒
讀罷漁家傲彷彿當年陪盛遊

遊禹山

李盛熠 州人

年年欲買遠公山何日移家到此間對景方知詩裏畫從

登州志 卷之二十三 藝文下
遊偶得醉中問一灣花落桃源渡半壁天懸劔閣關試向
白雲深處坐懶尋歸路不思還

輯彭芳洲先生遺詩漫紀二律

李 榔州人

丁年宅總帝城居林下翩然賦遂初
貫酒朝衣常典盡避人諫草剩焚餘
玉皇香案誰爲吏金闕龍章獨賜書
此日茂陵遺稿在中郎身後費躊躇

宣室當年本好儒元成世業在中樞
兩朝掌禮留天闕萬里敷文到海隅
避寵驚辭綸閣召承恩思獻羽塔謨
典型何處空勞想信古猶堪竊比無

咏白桃花二首

韓邦植 州人

旭日調風淑景天數枝懶闕畫欄妍
玉膚未羨霓裳舞粉面如披燭
警仙灼灼天天羞麗色深深淺淺
映清泉武陵幻境都難問應賞仙源
在眼前

風光駘蕩蔚藍天雪作肌膚玉闕妍
露井春深良宴會疎籬江上小遊
仙梨雲應許同芳靨杏雨難借潤
玉泉千樹元都驚夢得遜茲雅韵出
簾前

初至鄧州刺史蔣公館於桃花洞聞樹爲公新植兼

常於此課多士卽呈長句

姚之琅

碧桃和露種初成古洞常開集郡英
化雨當春真錦繡新陰滿地兆文明
洲亭遙映百花茂范文正公知鄧始置百花洲泉水同

滋一堵清鄧有一堵泉湧自顧獨慙徐孺榻更將下里恩
持衡出溉田十餘頃

登春風閣

蔣光祖

振衣獨上春風閣懷古緣登望遠樓
頰瞰花洲成勝槩平瞻雉堞控長流
當年春水沾新化此日風來憶舊遊
治行穰城推第一登臨誰許績能酬

遊百花洲

蔣光祖

我來諳訪百花洲遺跡城隅自可遊
曲逕短橋通水竹茂林深樹隱漁舟
時平草木皆含翠地古風煙總莫儔
太息名賢治迥矣當年樂事獨先憂

麥秋豐稔更連得雨澤六月朔日尤稱優渥喜而成

詠

蔣光祖

如雲隴麥比壙崇膏澤頻施洽歲功
優渥重沾六月雨盈寧定卜四時豐
民之庇也心方泰黍以育與樂自同我
未
有亭能作記冠軍城外喜融融

會文堂課士偶成

蔣光祖

地僻門閒絕點塵衙齋偏與讀書親
逕迎疎竹長含翠廳列天桃總放春
鉛槧携來爭奕奕伊唔戰罷共斷斷
不材老我忝師範古屋三間會欲頻

早發武家崗喜晴

武家崗上引歸程曉露初開拂眼明昨夜濡霑成舊雨今
朝爛熳作新晴九重院裡烏犍出半札村邊白日迎九重院半
札店皆西但祝從茲秋景好家家納稼起歡聲

喜門人龐應南拔萃

蔣光祖

秋風帶雨起涼煙喜得天中拔萃賢品似孤鶩呈白玉文
如萬選出青錢螭頭應讓江淹筆莫北誰並祖逃鞭我亦
軒渠誇識士冠軍城畔此推先

看桃花

桃花洞中舊只一二本余添植數株今春花發殊掩映可愛

蔣光祖

鬱鬱葱葱麗景奢洞前依舊滿桃花未容簿領迷芳信且
許接遲戀物華托跡漫矜陶令志尋春擬傍武陵家劉郎

手植今增爛拂面閒吟映晚霞

次韻酬姚梧軒見贈

蔣光祖

菊潭官舍景粗成

傳舍荒蕪余略為修葺

喜迓高賢餐落英陶令桃

源希雅逸思廉史筆重嚴明

先生歷典志乘不媿史才

成書屬藁同水

潔挹露研硃似水清榻下南州容問字沉迷簿領快參衡

先生勸葺州志頗費心裁

五月初旬在卡住城西之壘溝

去城九十里內鄉浙川交界處

蔣光祖

夏五炎蒸轍不停壘溝日暮赴邊扁地連內浙防多溢山

接禹湯翠作屏

禹山湯山在其邊界

岡勢重重迎夕照村墟落落帶

踈星一鞭我亦休征騎酸薄遠沾當醪醑

夏日忍卡途中早發口占

蔣光祖

為怕炎天催倦騎幾番巡歷未央中白龍廟裡三更月黑

土城邊午夜風白龍廟黑土城州東南二地名暑氣欲從朝露散詩思愛

倩曉雲通鑠金流火尋常過轉覺驅馳樂未窮

早春遊杏山

龐震坤州人

背山曲折陟嶙峋正月猶當落木殘客至剛逢春酒熟雪

消纔放一花看傍岩蘿徑層層人繞寺溪雲漠漠寒更欲

移樽危砌上流連日暮倚闌干

五言律

正日臨朝

唐岑文本州人

時雍表昌運日正叶靈符德兼五代體功包四海圖踰沙

紛在列執玉儼相趨清蹕喧輦道張樂駭天衢拂蜺九旗

映儀鳳八音殊佳氣浮仙掌薰風繞帝梧天文光七政皇

恩被九區方陪瘞玉禮珥筆岱山隅

元皇帝應見賀聖祚無疆

唐趙驊州人

聖主今司禊神功格下元豈惟求傳野更有叶鈞天審慶

南山下焚香北闕前道光尊聖日福應策靈年咫尺真容

近巍峩大象懸觴從百僚獻形為萬方傳聲教惟皇矣英

威固邈然慚無美周頌徒上祝堯篇

守睢陽作

唐張巡州人

接戰春來苦孤城日漸危合圍倂月暈分守若魚麗屢厭
黃塵起時將白羽揮裏瘡猶出陣飲血更登陴忠信應難
敵堅貞諒不移無人報天子心計欲何施

夕遊覆釜山道士觀因登玄元皇帝廟

唐錢起

冥披過物表洞府次溪傍已入瀛洲遠誰言仙路長孤烟
出深竹道侶正焚香鳴磬愛山靜步虛宜夜涼仍登象帝
廟更上紫霞岡霽月懸琪樹明星映碧堂傾思丹竈術願
采玉芝芳尚把浮邱袂乘雲別舊鄉

獻百花洲圖上陳州晏相公

宋范仲淹州人

穰下勝遊少此洲聊入詩百花爭窈窕一水自漣漪潔白
憐翹鷺優遊美戲龜欄杆紅屈曲亭宇碧參差倒影澄波
底橫烟落照時月明魚競躍春靜柳閑垂萬竹排霜仗千
荷卷翠旗菊分潭上近菊花潭在郡之西郊因有菊門復有菊潭鎮近取菊植於洲中洲有
高臺遂名梅比漢南遲京洛而南至鄧始有梅岸鵲依人
喜汀鷗不我疑絲絲穿石節襄鄧間舊俗正月二十二日
練絲穿之帶以為祥羅襪踏青期素髮頻來醉滄浪減去思步隨芳
草遠歌逐畫船移繪寫求真賞緘藏獻已知相君那肯愛
家有鳳皇池

登尊經閣

明 李宗木

明牧新風紀尊經建閣巍祥雲籠碧瓦曉日掛丹扉雄壯
來瞻美虛幽與市違八窻諸象入六籍衆言歸湍水紆文
練金山拱翠微荆榛開道路睥睨借周圍散帙天香落鈎
簾池鯉飛璫珩時並集藜火夜相依經濟徵吾道昇平戢
武威泮林宣聖籍千古振儒衣

鄧州

許 鑑

地秀山如赴雉高鳳欲騫雍熙推盛代形勢自中原甘谷
何年閉危亭萬古存襄樊門戶壯寇范典刑尊五劇傳新
槩六間憶舊痕舟車猶漢沔排木易田園雨泥春回部風

清月映邨使君洲上望重見百花繁

送學師宋西五旋里

韓邦植 州人

晝錦榮旋日爭誇疏傅賢衢歌絃誦著銘德口碑鐫講學
推安定吟詩邁鄭虔位方隆九棘兆已集三鱣霖雨蒼生
望松篁晚節堅琴樽開綠野花木繞平泉襲美瑤堦秀相
輝棣萼聯椿齡秋五百桃寔歲三千虎爪徵書近熊飛夢
卜傳菲材慚朽腐大匠仰陶埏馬帳瞻依久彭宣禮分全
感懷思教澤握別欲悽然

五言絕句

行軍九日思長安故園

唐 岑 參 州人

強欲登高去無人送酒來遙憐故園菊應傍戰場開

隴頭水

前人

隴水何年有潺潺逼路傍東西流不歇曾斷幾人腸

竹洞

唐韓愈州人

竹洞何年有僧言自我開洞門無鎖鑰俗客不曾來

青青水中蒲

三首

前人

青青水中蒲下有一雙魚君今隴上去我在與誰居

青青水中蒲長在水中居寄語浮萍草相隨我不如

青青水中蒲葉短不出水婦人不下堂行子在萬里

贈同遊

前人

喚起窻全曙催歸日未西無心花裏鳥更與盡情啼

臨湍城

唐張粹

縣址臨湍水山花寂寂春幸存廳壁記如讀戰場文

五隴山

宋梅堯臣

窮覽川原勝經行未見頻樵深但聞斧谷暖自留春

遊百花洲十首

用生存華屋處零落歸山邱為韻

宋黃庭堅

憶昔昭陵日傾心用老成功歸仁祖廟德政一書生

羊生但着鞭勿哭西州門固有不亡者南山相與存

慶州自不惡籍甚載聲華忠義可無憾公今有世家

公歸未百年鶴巢荒古屋我吟殄瘁詩悲風韻高木

傷心祠下亭在時公燕處臨水不相猜江鷗會人語
公有一杯酒與人同醉醒遺民能記憶欲語涕飄零
委徑問謠俗高邱省佃作昔游非苟然今花幾開落
在昔實方枘成功見圓機九原尙友心白首要同歸
人去州渚在春回花早斑清談值淵對發興如江山
落日啣城壁祠東更一游悲來惜酒少安得董糟邱

和山谷百花洲韻

宋夏均

神文秉周禮廟學奏九成當時夔一足不待魯諸生
噴噴雀噪屋悄悄蛛網門我來九頓首生氣凜如存
堂堂古遺直心嚴貌無華人見不嫵媚何以娛大家

樸斲復樸斲何以涼我屋風雨莫輕搖南山無老木
有酒當自醕有室莫共處古今一邱壑何能坐飛語
夢回四賢篇長風吹人醒嗟哉不我見淚與秋露零
百代無幾人九原何可作不必溫御史解令君膽落
寶元乃多故公時總戎機胸中百萬兵要取橫山歸
公歸今幾時遺懿何斑斑公議要難沒言波可懷山
我心不可規滔滔誰與游向來秉大雅心復成一邱

雅祖洞

明李蓑

雅祖何名姓空山有肉身野僧相誑語爭說賣油人

自君之出矣 四首之一

明李永茂 州人

自君之出矣節候褪鶉火暮雨送秋風新寒先到我
識舟亭 前人

滔滔亭下水上接古湍河鄉信傳青鷁年來到幾多
懷歸 四首 前人

朝飛露未斂莫去日將斜啼倦眠高嶺鷓鴣尙有家
夢是還鄉路愁爲送死媒多愁歸夢少白髮更相催
少出好容顏老歸蒼暮色若無舊友朋阿個能相識
水從石面過雲向嶺頭飛前路日垂莫今年歸不歸

桃花洞夜集

魏力仁

高燭照華堂清宵引興長連朝微雨歇一片草花香

涉湍河紀事四絕

成于益

夜漲河流濶朝暎夏木屏遲回沙岸草馬懼入寒泠
隔岸他鄉語秦關歸故家箱笥挑日用盡室久天涯
馬渡憑遲步蛾眉背負輕中流驚共語邂逅入親情
揭厲身相示傾欵慮爲殷東西人易岸還顧悵行雲

粵中懷歸

李鴻州人

少小適南國悲風老白楊莫言鄉夢短一夜到南陽
七言絕句

侍宴安樂公主新宅應制

唐岑羲州人

金榜重樓敞夜扉瓊筵愛客未言歸啣歡不覺銀河曙盡

醉那知玉露晞

春興戲題贈李侯

唐岑參州人

黃雀始欲啣花來君家種桃花未開長安二月眼看盡寄報春風早為催

赴北庭度隴思家

前人

西向輪臺萬里餘也知鄉信日應疎隴中鸚鵡能言語為報家人數寄書

燕子樓詩 三首

唐關盼盼張建封妾

樓上殘燈伴曉霜獨眠人起合歡牀相思一夜情多少地角天涯未是長

遙看鴻雁岳陽延又覩玄禽逐社來瑤瑟玉箏無意緒任從蛛網任從灰

北邙松柏鎖愁烟

燕子樓中思悄然白埋劍履歌塵散紅

褪香銷二十年

答白公

前人

自守空樓歛恨眉形同秋後牡丹枝舍人不會人深意訝道泉臺不去隨

釣魚臺

宋范仲淹州知鄧

漢包六合網英豪一箇冥鴻惜羽毛世祖功臣三十六雲臺爭似釣臺高

百花洲

宋 黃庭堅

范公種竹水邊亭飄泊來遊一客星神理不應從此盡百
年草樹至今青

自鄧州幕府暫歸秋林

金 元好問

升斗微官不療饑中林春雨蕨芽肥歸來應被青山笑可
惜緇塵染素衣

從鄧州相公覓酒時在鎮平

前 人

寒日山城雪四圍空齋孤坐意多違江州未覺風流減可
使陶潛望白衣

鄧州

元 唐子儀

鄧侯城壘漢江干自為深根百世安不用三甥謀楚計臨
危方覺噬臍難

福勝寺

前 人

圓寂安居已宴然寥寥冷坐竟無言林間勝士來相問笑
指虛明月在天

春風閣

明 何海晏

春風閣上俯平疇松栢森森翠欲浮幾度憑虛移白日等
閑驚起沙中鷗

百尺層樓帶碧川萬章喬木鎖蒼原乾坤一望憂無際遺
冊誰能顧兔園

題宣廟畫

明李賢州人

蘆葉蕭蕭兩岸秋，漁翁垂網在寒流。
揮毫自是天工妙，意似磻溪欲往遊。

臨湍書院

明劉漳

擬去滯祠清世俗，又從書院聚儒冠。
文章政事三君子，把與諸生作樣看。

詠陂堰

前人

雨餘偏洗前山秀，日暮相呼村火齊。
何處老嫗來笑語，陞官猶自看陂堤。

禹廟二首

彭而述州人

夏王宮殿石門開，金碧曾傳付劫灰。
桃片繽紛無寺主，頽墻白日老狐來。

但有飛花伴夜燐，簷前蝙蝠舊車輪。
滿堂泥塑真墻土，不見清明羅綺人。

百花洲

前人

夕陽白草照芊芊，蕩盡百花五百年。
剩水殘山秋一碧，蒼鷹飛盡老狐眠。

臨湍道中

前人

嶺岼山色帶鄜城，乍見芙蓉雨後明。
日暮老烏啼斷壠，冠軍原是故侯營。

春風閣舊址

前人

傑閣崢嶸想像間
臺隍流水自潺湲
姑蘇人去千年後
魄實應戀此山

豆豉婆塚

前人

巖巖窟宅老狐窩
寒雨秋風怨女蘿
莫看人間將相墓
等閑得似豆豉婆

開元寺

前人

纍纍念珠一磬幽
秋瓜磊落滿牆頭
低眉細說前朝事
辛苦從軍到岳州

刺史萬公七里河泛舟

黃之鼎

宿雨遙山殘黷橫
湍河南抱古穰城
輕舟順逐清流穩
簫鼓偏宜水面聲

涯邊綠樹隱行厨
刺史風流鹵簿無
南北烏衣同巷客
鄉關千里忘長途

春日經春風閣廢址

李鴻州人

荒榛缺甃漫平沙
太守風流此種花
堂下紅香開欲遍
小橋村塢酒旗斜

城邊春草碧參差
城外鷓鴣水滿池
一自姑蘇人去後
幾經詞客過題詩

官家鸞遊亂夜泊

彭氏李鴻

鄧州志 卷之二十三
岑岑斜倚俯清澗一葉孤舟亂後身洞口白雲雞犬在此
中大有避秦人

清明拜母墓禹山下追憶今昔和淚成詩一首

前人

野岸平橋一水西烟林高與畫樓齊每來却向岡頭望到
得他邊手自携

依稀風景異當年冷落空燔陌上錢回首可憐雙紫燕送
人依舊到溪前

詩餘

謁金門 題畫燕

明常倫

倫字明卿父賜知鄧州明卿少從之州有畫工
壘者善小翎毛樹石父召之畫明卿隨意縱筆題
其上已便棄去不顧至今州人有得其遺壘者茲
載其題燕小詞十首

多少恨說與愁人心愠畫梁欲問還難問誰與傳幽信
冷落尙懷風韻公子歸來未闕如今不似朝陽俊空舞東
風困

朝雨足添得半篙晴綠向晚穿簾辭華屋清波相對浴
閒舞欄杆六曲蒼塢遲遲斜旭愛他貼地爭馳逐泥香芳
草蓼

登州志 卷之二十三
梨花院多少捲簾人看軟語低飛尋舊伴書永香風暖
忙裡春歸不管爭逐畫簷墻短紅樓莫訝來常晚日暮啣
泥返

春暮了滿地和烟芳草年年社日來常早只恐東風老
管甚鶯猜蝶惱尋箇柳亭花島烏衣巷口巢多少還向誰
家好

曾相識歸來正逢春日落紅泥潤胭脂濕漠漠和烟拾
風定海棠無力雨過小桃含泣等閑逐蝶穿花隙烏衣芳
草裏

隨海月萬里來時素節王謝堂前認不得訪君衣皎潔

夢與梨花愁絕舞伴柳絲未歇

衣別

梁間說朱雀橋邊舊客社前社後來還別幾度春秋節
引對將雛情切弄柳穿花心歇年年老去衣還呈却笑人
頭白

乘霜霧碧海還尋舊路已知社日辭巢意欲留留不住
清得春光幾度又是西風秋暮冷落畫梁無覓處惆悵將
雛去

飄翠羽似解霓裳輕舉爲問嬌姿誰可比鏡鸞疑同侶
宜在柳陰花墅更喜微風細雨困極盈盈飛絮裡東風扶

不起

今朝見樓樹舊時風
範百年迅速如飛電
往來能幾遍
却訝烏衣未換何事
紅顏易變芳草碧時
楊柳院又識東風面

百字令

桃花洞元宵張燈

魏力仁

今宵月滿看千門
遍散光輝城闕
刺史風流夜宴
畫壁煙籠
瑤屑綠酒淋漓
紅燈燦爛
簫鼓不停歇
郡傳襄鄧地靈
還借人傑
我也關內侯
封橋山頂上
曾把年華閱
不道桃花古洞
正是上元佳節
火樹銀花
星橋鐵鎖
真似昔人說
這番歡賞
歌聲緩度春雪

鄧州志卷之二十四

古延蔣光祖振裘氏纂修

雜紀 祥異 兵變

自洪範以五事徵休咎而下及卿士師尹各以歲月日省之後世五行傳志皆本於此雖其說不無附會然人事美惡之極與天地相流通其理固不可誣矣世運遷革治亂循環民生其間或不幸罹兵戎之變始未嘗不疆宇分裂而後乃歸於一統地處要害皆所必爭雖一方之事而天下之勢亦大畧可觀焉後之君子非獨可以觀古今考得失亦各因其職之大

小而盡修省之道豫儆戒之方未可泛焉而忽視之也志雜紀

祥異 蠲賑附

唐玄宗開元八年鄧州三雅口大塞谷或見一小兒以水相沃須臾有大蛇十圍張口仰天人或斫射之俄而暴雨飄溺數百家

十年五月唐鄧大水

十五年七月鄧州大水

武宗會昌元年七月關東山南唐鄧等州大水

五代晉齊王開運二年冬十一月穰縣和平鄉符合歡

有司圖畫以聞

宋太宗淳化五年雨水害稼蠲宋亳鄧蔡等州租

至道二年蠲襄唐隨鄧等州去年逋租

真宗景德四年鄧州江水暴漲

天禧四年發唐鄧等八州常平倉賑貧民

仁宗天聖七年三月詔契丹饑民送唐鄧等州以闕田

處之

哲宗元符二年鄧州禾合穗

徽宗大觀四年鄧州大水

政和五年鄧州仙井監嘉禾合穗

元順帝至元元年大霖雨三十日滹河白河大溢

明英宗天順七年十月二日自南陽赴鄧將至白馬寺

時微雨且晴忽見西南有黑物在薄雲間蜿蜒如罔

者其首莫可辨惟身顯然若草書雲字之狀忽又有

一白物在其下如乙字然相去尺許久之始滅人皆

言龍鬪云出劉昌懸
詩瑣探

憲宗成化十八年鄧州產嘉禾

孝宗弘治六年鄧州產瑞麥兩歧嘉禾九穗紫芝並頭

蓮珊瑚核桃

武宗正德三年大暑

四年秋大水民多死徙

六年夏大水害稼民多溺死知州于寬申奏蠲稅三分

十六年正月朔地震

世宗嘉靖七年秋大旱民多饑死至八年春尤甚

二十二年夏滹河水溢壞民廬舍及外城門者數步

三十四年夏鄧州產瑞麥屢歲不登至是有年

是年十二月十三日夜分聞風雨聲自西北來鳥獸皆

鳴已而地震聲轟如雷凡再時乃已

四十二年六月鄧州產嘉禾

穆宗隆慶四年災荒民多饑死

神宗萬曆二十一年水荒民相食

三十一年水荒瘟疫歲大饑人相食及枕藉死者甚衆

而民不思亂亦累世深澤所致然沴氣已見於此矣

三十九年暴雨兩月河水數溢害稼

莊烈帝崇禎五年五月湍刁兩河泛溢水侵外城民多

溺死

是年冬大雪深者及丈樹多凍死

六年羊生兩頭四眼

七年夏蝗旱

八年夏蝗旱民大饑

九年夏蝗旱民相食群盜橫起

十年河魚大上鸚鵡來巢

十四年冬慧星見

十五年夏霾秋七月地震有聲如雷

十六年夏六月大雨雹

國朝順治八年秋七月大水湍刁兩河交溢漂民廬舍壞

田數千畝

九年秋桃李華

十年六月地震有聲如雷 秋七月大水湍刁兩河交

溢漂民廬舍壞田數千畝

十一年六月大水

十五年四月產嘉麥穗長尺餘歲大有

十六年六月旱禾枯死

十七年三月霖雨秋旱歲饑

十八年大饑民刮樹皮為食秋瘟民死大半

康熙二年歲大有

三年五月大水瓜果不實

四年六月災疫

五年五月大暑牛瘟

六年冬十一月大雪平地深二尺

七年秋七月二十七日戌刻地震有聲河水沸騰移時

止

八年秋七月霖雨傷稼

九年五月大水傷稼歲凶

十年夏四月產瑞麥兩岐歲大有

十一年六月旱六畜災

十二年六月大風雹數日禾苗傷

十三年夏四月暴風雨河溢傷禾歲饑

十四年五月湍河刁河二水交溢平地數尺壞廬舍傷

禾稼民多溺死

十五年冬大雪深數尺禽獸草木多凍死

十六年夏南河復溢逼外城

十七年春正月風霾數作瘟疫盛行民死大半牛疫

十八年河南南汝三府大饑巡撫都察院董國興據詳

疏請

特命刑部侍郎查庫協同巡撫都察院董國興臬司石琳

巡道彭襄南陽府知府張文明巡行賑濟鄧自戊午

瘟疫盛行民死大半牛斃盈野土地荒蕪饑饉荐臻

知州楊威盛具詳申報發粟米七百五十一石四升

逐名給散全活饑民一千九百七十名口

十九年再饑 彗星見

二十年夏四月黑虫食麥數日後有黃螂盡捕食之歲
始稔

二十一年六月產嘉禾

二十二年冬十月二十一日巳時天四霽無雲忽空中
有聲如雷移刻乃止

二十三年夏大旱自五月不雨至八月始雨

二十四年冬十二月免民欠一千六百餘兩及明年田
租之半

二十五年秋七月霖雨傷稼 十二月二十一日夜城

隍廟災

二十七年六月大水

二十八年五月旱 秋雨雹

二十九年春風霾牛瘟死殆盡 秋大旱川澤幾涸

是年十一月大雪四十餘日平地深數尺窮民有凍死

者樹木皆枯

三十年牛瘟死殆盡

是年免地丁銀一萬九千三百餘兩

三十一年瘟疫盛行自正月至七月死傷無算 秋七

月蝗

三十二年靈芝生

是年三月蝻蝻生俄大雪凍死 秋七月不雨至次年

正月始雨

雍正六年四月大雨至五月方止麥禾盡爛死田中

乾隆十三年州民鄧君惠妻何氏一產三男給米布銀

五兩

十四年夏六月大雨湍白二河水溢壞民廬舍冲溺死
者甚衆

十九年三月六日雷聲微震有鄉民見烟氣繚繞屬於

地復繚繞而上掘之得一石甚熱報官貯於庫

按石無他

異蓋鄉民掘地既無所得而此石尚熱遂取以獻其實烟雲繚繞上下不知何故也

兵變

周桓王十年蔡侯鄭伯會於鄧始懼楚也

十七年楚鬬廉帥師及巴師圍鄧鄧養甥聃甥救之大敗

莊王九年楚子伐鄧

僖王四年楚伐鄧滅之

赧王十四年秦伐韓取穰

三十六年秦白起伐楚取鄢鄢西陵

漢高祖起兵畧南陽信成君酈商從攻下宛穰定十七

縣

王莽地皇三年南陽荒饑光武招新市平林兵與其帥

王鳳陳收西擊長聚進拔棘陽與王莽前隊大夫甄

阜屬正梁邱賜戰於小長安漢軍大敗還保棘陽長

安今鄧州東

初平帝時趙孝王良舉孝廉為蕭令光武兄弟少孤良撫循甚篤光武起兵以事告之良大怒曰汝與伯升志操不同今欲危亡而反共謀如是既而不得已從軍至小長安漢兵大敗良妻及二子皆被害

更始元年陰識遷偏將軍從攻宛別降新野滄陽杜衍

冠軍湖陽杜衍縣名在鄧州南陽縣西南

世祖建武二年遣吳漢進兵南陽擊宛涅陽酈穰新野

諸城皆下之

三年延岑自武關出攻南陽下數城穰人杜宏率其眾

以從六月壬戌耿弇與岑等戰於穰大破之斬首三

千餘級生獲其將士五千餘人得印綬三百杜宏降

岑與數騎遁走東陽按後漢書耿弇傳書此本在三

本紀書之一祭遵引兵南擊鄧奉弟終於杜衍破

事重見誤十一月建義大將軍朱祐率祭遵

與延岑戰於東陽聚名在今斬其將張成

四年延岑復寇順陽間遣鄧禹護復漢將軍鄧曄輔漢

將軍于匡擊破岑於鄧追至武當復破之岑奔漢中

餘黨悉降

建安二年驃騎將軍張濟自關中走南陽因攻穰城中

飛矢死

唐高祖武德元年十月朱粲自稱楚帝取唐鄧州刺史

呂子臧死之

三年四月辛酉王世克陷鄧州總管雷四郎死之

僖宗中和元年三月辛亥黃巢陷鄧州執刺史趙戎五

月忠武監軍楊復光師次鄧賊將朱温何勤逆戰大

敗遂收鄧州

昭宗光化元年八月戊午朱全忠陷鄧州執刺史國湘

五代晉天福六年安從進反引兵攻鄧州不克進至湖

陽遇晉軍遂大敗奔還襄陽自焚死

李養丹浦欵言云資治通鑑後晉天福六年安從進
反攻鄧州至花山遇張從恩兵合戰大敗從恩獲其
子宏義從進以數十騎奔還襄州而歐陽五代史則
云安從進反鄭王重貴時留守京師以空名勅授李
建崇鄧金海等討之從進引兵攻鄧州不克進至湖
陽遇建崇等大駭以為神速復為野火所燒遂大敗
從進以數十騎奔還襄陽高祖遣高行周圍之踰年
糧盡從進自焚死執其子受及其將佐四十三人
送京師夫此一事仗鉞討賊者司馬以為張從恩而
歐陽以為李建崇鄧金海等不同如此豈當時各別
有據耶

宋欽宗靖康元年九月丙戌以鄧州為都總管府

高宗建炎元年五月丁巳詔鄧州儲資糧修城壘以備

巡幸 秋七月丙午定議巡幸南陽以觀文殿學士

范致虛知鄧州修城池繕宮室輸錢穀以實之 李綱

駕巡幸之所關中為上襄陽次之雖未能行上策
猶當且逼襄鄧示不忘故都以繫天下之心故也

二年春正月戊子金銀木可陷鄧州范致虛出奔安撫

劉汲死之辛酉金人焚鄧州 二月金遷鄧民於河

北

紹興元年夏四月癸未桑仲陷鄧州守將譚克棄城走

河東招捉使王俊引兵來援仲執斬之以其黨李橫

知州事

三年冬十月己亥偽齊將李成陷鄧州

四年秋七月壬戌岳飛遣統制王貴張憲擊敗李成及金兵於鄧州之西復鄧州禽其將高仲

十一年十一月與金國議和成立盟書約以淮水中流畫疆以唐鄧二州界之自鄧州西四十里南四十里為界以為邊戍

三十一年十月丁巳知均州武鉅遣將荀深復鄧州舊志誤入十一年十二月甲辰均州統領管朝復鄧州

孝宗隆興元年三月壬辰金紇石烈志寧以書來求海泗唐鄧商州之地及歲幣 八月戊寅金紇石烈志寧復以書求海泗唐鄧四州地及歲幣

二年六月壬申命虞允文棄唐鄧允文不奉詔 秋七月

月己巳湯思退撤兩淮邊備罷築壽春城散萬弩營兵輟修海船毀拆水匱不推軍功賞典及撤海泗唐鄧之戍

淳熙十五年金人規措界壕於唐鄧間

寧宗間禧元年三月伐金至鄧州白亭

按通鑑是歲五月金主璟聞朝廷將用兵召諸大臣問之皆曰宋敗衄之餘恐不敢發盟完顏匡獨曰彼置忠義保捷軍取先世開寶天禧紀元豈忘中國者哉璟然之乃命平章僕散揆宣撫會兵於汴以備之而不書三月伐金事

二年十月金僕散揆分兵入寇完顏匡兵二萬五千出

唐鄧

嘉定十二年正月金人圍棗陽趙方遣知隨州許國統
扈再興帥師攻唐鄧以救之

六月孟宗政扈再興合擊金人于棗陽大敗之追至鄧

州而還

時中原遺民來歸以萬數宗政發廩贍之給田屋籍其勇壯號忠順軍伴出沒唐鄧間由

是威振境外金人呼為孟爺爺

理宗紹定四年十一月蒙古拖雷攻饒風關入之由金

州而東將趨汴京金主乃詔諸將屯襄鄧 十二月

金完顏合達移刺蒲阿帥諸軍入鄧州楊沃衍陳和

尚武仙兵比會之遂出屯順陽 合達蒲阿與蒙古

戰於禹山

合達曰彼眾號三萬而輜重居其一今相持二三日彼不得食若乘其却而擁之必

勝矣蒲阿曰江路已絕黃河不冰彼入重地將歸乎何以速為遂不逐明日蒙古兵忽不見邏騎還始知在光化對岸棗林中晝作食夜不下馬已四日林外不聞音響合達蒲阿議入鄧州就糧辰巳間到林後蒙古忽至合達蒲阿迎戰交接之際蒙古以百騎邀兩行省輜重而去金兵幾不成列逮夜二鼓合達蒲阿乃入鄧州城懼軍士迷路鳴鍾招之合達蒲阿隱其敗以大捷聞

州

六年孟珙擊金唐鄧行省武仙於順陽破走之遂復鄧

端平元年正月孟珙以蒙古兵滅金遂招兵分屯新野

唐鄧

二年十月戍將趙祥殺統領徐海以鄧州叛降蒙古

三年二月蒙古命鄧州趙祥從曲出克先鋒入寇

淳祐十一年蒙古置經畧司於汴以忙哥史天澤楊惟

中趙璧為使俾屯田唐鄧等州西起襄鄧東連清口

桃源列障守之

寶祐二年蒙古命史權屯田鄧州

景定五年十二月蒙古勅鄧州沿邊增築莫常平建陵

季陽四堡

〔元〕順帝至正十一年王權據鄧州攻陷郡縣

十二年元將失剌把都攻王權破之燬其城

〔明〕太祖洪武元年命偏將軍楊璟征山西平唐鄧南陽

武宗正德六年秋流賊劉六等攻陷河南南陽郡縣

新野境鄧州戒嚴民爭趨內城被踐死者甚眾

莊烈帝崇禎六年冬流賊初寇鄧是時承平日久民不

知兵賊猝至中外震懼知州董應圭嚴城守發義兵

禦於湍河戰不利千戶余承蔭省祭姜文淵死於陣

尋加優卹

七年春巡按河南監察御史劉令譽帥師至鄧監宦官

孫茂霖兵也茂林縱兵橫掠令譽奏於朝誅茂霖

巡撫河南都察院都御史元默帥師至鄧督總兵左良

玉副將陳永福兵

十年春二月土賊張三崇張顯吾流賊張獻忠陷外城知州孫澤盛同知薛應齡出戰死之

連歲流賊衝突百姓死亡大半地盡荒差徭愈重嚴刑督之累及無辜民相率為盜每渠帥皆擁數千百人拒官兵而州司不能制矣會張獻忠掠境土賊張三崇張顯吾迎之曰聞州城罷守內外離心若潛入不難得志也夜三鼓自南城入火舉城內始有知者是時知州孫澤盛被議謝事數日矣聞變率丁壯拒賊戰於福勝寺西同知薛應齡從之戰敗澤盛死於陣應齡曰吾亦與城俱盡矣豈可更求生耶遂同遇害

二月流賊張獻忠陷內城致仕千戶李錫衣朝服北向拜曰臣老矣世受國恩不可令賊辱也投井而死自外城失守內無主者賊復踰入兩城橫肆焚殺凡十五日而官兵無一至者是時中原全盛惟鄧州首

罹慘禍差繁賦重人心離散而根本不可復固也

秋歸併三十七里為十二里除荒征熟

自喪亂之後百姓流亡土地荒蕪國家成額不減民受其累舉人丁之棟與耆民秦守玉孔在魯丁汝平等謀於濬縣知縣州人李永茂痛陳疾苦請於朝因准豁免

十一年總兵黃得功防鄧

十二年巡撫河南都御史李仙風防鄧

十三年秋七月保督楊文岳總兵虎大威討李自成戰於湍河勝之

自成初起左良玉戰於浙水不利自成乘勝襲鄧文岳帥大軍日夜趨三百餘里夜至鄧軍於湍河之陽將士不食二日矣鄧人餽殮給之大威奮兵衝擊自辰至未五戰皆勝之自成引大隊遁去當時接兵多

報首功然未有身親血戰如大威者且自成之來本為攻鄧是戰也鄧免於難

十四年冬十一月李自成陷鄧知州劉振世被執吏日

李國璽死之尋殺振世於鄆城 是月城陷之日日

四裂無光

十二月同知任從仕復鄧州先是從仕署事泌陽未與

難百姓迎歸復鄧州

十五年冬閏十一月李自成據襄陽遣偽將劉宗閔復

取鄧州同知任從仕奔鄖陽

十六年春二月李自成據鄧州

同知任從仕命海成領兵復鄧州不克死之

國朝順治二年春二月大兵入潼關自成敗奔鄧州彌漫

千里老弱盡殺之壯者驅而南下留精兵三千平城

池塞井竈自武關至襄漢間千里無煙王權之亂去

今三百年殺運相循未有如此之慘者

三月英王追賊至鄧州署官宣撫民稍復業

三年二月流寇餘孽劉二虎攻鄧州不克而遁

是時大亂初定虎寇猝至知州馬迪吉收殘民千餘人入城晝出戰夜嚴守備賊穿地道七處攻城迪吉隨計應之糧盡殺牛畜撤屋為薪守愈堅圍二十七口賊計窮遁去迪吉以功陞治中兵士戰守者優叙

有差

十七年逋寇何躍奇據房州南陽總兵馬呈禎移師駐

鄧

康熙四年乙巳何渠就殄南陽總兵馬呈禎班師回宛
十二年癸丑冬吳逆叛寇犯光穀襄陽總兵楊來嘉應
之襄城都司譚國經駐鄧防禦

鄧州志卷之二十四終

